

27 JUL 1999

LID MASUK HARI KETIGA, MAHATHIR HADIRI PERTEMUAN DUA HALA

LANGKAWI, 27 Julai (Bernama) -- Dialog Antarabangsa Langkawi (LID) (Ke-4) masuk hari ketiga hari ini dan para peserta dijadual akan membuat rumusan mengenai perbincangan-perbincangan mereka.

Seramai 330 peserta dari 38 negara menghadiri dialog itu yang bermula di sini Ahad lepas dengan Perdana Menteri Datuk Seri Dr Mahathir Mohamad menyampaikan ucapan dasar.

Dialog hari ini bermula dengan satu sesi khas diikuti sesi tiga mengenai topik "Meneruskan Masa Depan Yang Stabil."

Satu sesi khas mengenai "Teknologi dan Perniagaan" akan diadakan pada sebelah petang diikuti dengan sesi khas kedua antara ketua-ketua negara/kerajaan, penaung dan penasihat Dialog Perkongsian Pintar Antarabangsa, ahli-ahli kewangan, perniagaan dan buruh.

Isteri-isteri ketua negara/kerajaan juga akan mengadakan sesi khas tertutup mereka.

Ini akan diikuti dengan sesi empat mengenai "LID'99 - Melangkah ke depan ke alaf baru" yang akan diselia Dr Mahathir.

Dr Mahathir kemudian akan mengetuai para pemimpin menghadiri dialog penutupan dengan media.

Malam ini para peserta akan menghadiri jamuan malam Pergerakan Perkongsian Pintar LID `99.

Dr Mahathir juga dijadual mengadakan perbincangan dua hala dengan Presiden Namibia pada satu acara sampingan LID.

-- BERNAMA

ES RON